



Hmasawna Thar

(A N I N D E P E N D E N T D A I L Y N E W S P A P E R)

Regd. No. RNI - 40917/89 | Postal Regd. No. MNP - 67

Daily & Direct Service
JIRIBAM / HMARKHAWLIEN
C/o Babita # 9862129273

Contact Numbers pawimaw :
DC/CCPur : 03874-234234
SP/CCPur : 03874-236747
Police Station : 03874-202248
SP Control Room: 03874-233239
Dist. Hospital Casualty : 03874-233370
Fire Brigade : 8974 147 799/
8258 057 887 / 8974 103 600

Hmasawna Thar Vol - 32/170

Churachandpur

email : hmasawnatharnews@yahoo.com

Phone: +91-3874-236846

Rs 6/- per copy

TCS in 15th Convocation an hman



CCPUR: Trinity College and Seminary (TCS), Sielmat, CCPur chun April 4, 2017, 11AM khan Rev. Chawnga Memorial Chapel, Sielmat, CCPur hmunah 5th Convocation Ceremony an hman.

Dr Lalrimawi Pudaite, Co-Founder Global Ambassador, Bibles For the World in Bible chang tienna le tawngtaina a nei zoin Rev. Jonathan Pudaite, Principal in thuhriina a nei a. Rev. V. Lalthalien Zote, Academic Dean in Gradu-

ate students hai presentation an rawi a, Rev. John L. Pudaite, President in Graduates hai degree inhlanna a nei a, Rev. Rohminglien Pakhuongte, Vice President, PMS in Awards hman hman semna a nei.

Zanita Convocation ceremony huna hin mi 6 hai kuomah Diploma in Theology (D.Th) inhlanna a nei a, mi 14 hai kuomah Bachelor of Theology (B.Th.) degree le mi 20 hai kuomah Master of Divinity (M.Div) degree inhlanna a nei.

Degree inhlanna um hai hai hin EAC, Baptist, EFCI, KCC, Wesleyan, Presbyterian, ICI, ESC, EOC, Nazarene le ECA kohrana inlawi hai khawm an thang.

Convocation address chu Rev. David Meyers, Co-Founder/President, ZimZam Global in a nei a, Graduates hai tawngtaikpeka Rev. Dr J. Huoplien Neitham, Moderator, EFCI in a nei a, Rev. Ruolhlei Pakhongt, Vice President PMS (ret) in Benediction in hun a khar.

HSLC Exam, 2017 zofel a nitah

CCPUR: Board of Secondary Education Manipur (BSEM) huoihawta hnuoia March 17, 2017-a inthawka tan HSLC (Class X) Exam, 2017 chu zanikhan zofel a lo nitah. Zanikhan Optional paper exam a ni a, Exam main centre Ebenezer Academy



Block A-ah Candidate 6 an absent a, Candidate 650 an in exam; Block B-ah candidate 10 an absent a, candidate 492 in exam an pek. Imphal tienga inthawk Flying Squad team N. Budhi Chandra irnawinain A. Sunil Singh, Ch. Romila Devi le L. Saranda hin exam centre hai an hung enfel.

Sub-Centre Donbosco Hr. Sec. School Block A-ah candidate 6 an absent a, candidates 557 an exam a, Block B ah candidate 6

an absent a, 389 an exam a; Block C ah candidate 8 an absent a, 616 an exam. Zanita Optional paper a exam pe po hi an rengin 2704 an ni a, 36 an absent a nih.

Hmun dang thenkhatan enruk le mi aia exam man um zeu hai sienkhawm CCPur District-a chun exam hi a thienghlim hle a hriet a nih. Tukuma CCPur District-a inthawk HSLC Exam hi Regular candidates 1691 le external candidates 28, an rengin candidates 2934 an nih.

CHANCHIN LAKTAWI Programme thar belsa a nih

CCPUR: All India Radio (AIR), Churachandpur Station programme chu April 2, 2017 a inthawk khan nitin 4:53PM a tan le zan dar 10 a khar hlak a nih.

Programme thar belsa a ni a, hi hun sung hin ngaitlakh thei a nih. Haptakar tin Thawtanni zatinn Paite, Hmar le Thadou tawngin mani programme siem zan dar 8 ah minutes 15 sung insuo thei a nih. A fee ruok chu pek a tul tiin Assistant Director (P) chun a hri.

Class XII exam sunzawm nawk ding

CCPUR: Council of Higher Secondary Education Manipur huoihawta March 20, 2017 a inthawka Class XII (HSLC) Exam, 2017 tana um chu vawisun April 5, 2017 hin sunzawm nawk ning a tih. Wawisuna candidate han exam an pek ding hi Physics, Political Science le Accountancy hai a nih.

April 7, 2017 in Physical, Health Education & Sports, Psychology le Biotechnology hai exam an tih. Class XII Exam hi April 21, 2017 a zo ding a nih.


Class XI hai chun zanikhan Physics, Political Science le Accountancy paper hai an in exam.

GAS NEWS
Agency : KIM JOE
Booking : 31st. Dec., 2016 to 31st. JAN., 2017
Delivery: 05-04-2017 (WED)
Time : 8AM-till stock
STOCK : 306
Cashless payments through POS introduced.
Agency : SAS
Booking : 21st. Dec., 2016 to 21st. JAN., 2017
Delivery: 05-04-2017 (WED)
Time : 8AM-till stock
STOCK : 290
Rate: Rs. 884

Kum 2012 a inthawk India ramah Internet shutdown wawi 28 a tlung tah Internet shutdown hlakna states 12 a CM hai kuomah NGOs han lekha an thawn

NEW DELHI: Tulai-a Internet that (shutdown) hmak a ni vet hlak le inzawmin NGOs le pawl tum tum hai chun India ram states 12 hai CM hai chu lekha thawnin, iemani leia buoina le harsatna um huna Internet a reng a rama that hmak lova online content thenkhat chau that hlak ding in an hri.

Delhi based-a um non-profit organization SFLC le Internet related-firms/companies hai chun Internet shutdown hlak a nina state Chief Minister hai kuoma lekha hi an thawn a nih. NGOs le pawl tum tum han hi chungthua lekha an thawn state Chief Minister hai chu - Uttar Pradesh, Nagaland, Manipur, Maha-



rashtra, J&K, Jharkhand, Rajasthan, Meghalaya, Arunachal Pradesh, Bihar, Gujarat le Haryana hai an nih. Hieng state haia hin thil iemani leia buoina le harsatna um huna thuvongva dang dang inleng vel

hai leia boruok sosang ding laka invengnain Internet that a lo ni ta hlak a, Manipur a khawm tuta hma khan Internet hi that a lo nitah. Internet that hi under Section 144 hnuoia state sawrkar thuneinaa that hlak

a ni thu SLFC a President le Legal Director Mishi Choudhary chun a hri.

SFLC Internet Shutdown tracker record dungzuiin kum 2012 a inthawk khan Jammu and Kashmir-ah Internet thanna hi wawi

28 a tlung ta a, Gujarat le Haryana haia wawi 9, Rajasthan-ah wawi 8, Nagaland-ah wawi 3, Uttar Pradesh, Bihar le Manipur haiah wawi 2 seng le Maharashtra, Jharkhand, Meghalaya le Arunachal Pradesh haiah wawikhat seng internet shutdown hi a tlung ta niin a hri.

Chief Ministers 12 hai kuoma lekhatawn a hming ziektu hai lai hin Centre for Internet and Society, Digital Empowerment Foundation, Internet Democracy Project, IT for Change le Society for Knowledge Commons hai baka mimal Anivar Aravind (Executive Director, Indic Project), IIT Bombay professor Kannan Moudgalya le a dang dang hai an thang.

Manipur MLA's 21 orientation programme a thang dingin

IMPHAL: April 5-7, 2017 inkar sung hin Bureau of Parliamentary Studies and Training (BPST), Lok Sabha Secretariat, New Delhi-ah Orientation Programme for Legislators nei ning a tih. Hi programme a thang ding hin Manipur MLA's 21 hai chun zanikhan Imphal suksanin New Delhi an pan. MLA's

ruol hi Manipur Assembly Speaker Yumnam Khemchand in an rawi tawl.

Orientation programme a zu thang ding lai hin PHED Minister Looisii Dikho, IFCD Minister Letpao Haokip, TD & Hills Minister Th.Radheshyam Singh, Parliamentary Secretary L.Suchindro le Manipur Legislative As-

sembly Secretariat staffs 5 an thangsa. Training a zu thang ding hai hi MLA-a thlang thar hai an ni deu tak. Orientation programme a hin parliamentary processes, procedures, customs, conventions, um dan tha le a dang dang hai inhrilhrietna um a tih tiin Yumnam Khemchand chun a hri.

RIMS Officiating Director sin a chel tan

IMPHAL: Dinesh Singh chun zanita inthawk khan RIMS Officiating Director sin a chel tan. RIMS Mini-Auditorium-ah RIMS faculty members le staff han lo lawmna inkhawm an huoihawt. Hi inkhawm hi Prof. Ch.Arunkumar Singh, Medical Superintendent, RIMS, Chief Account Of-

ficer/FA, Dy. Director, faculty members le officials han an uop tawl. R.K.Dinesh Singh chun hi sin chel dinga ruot ani chu lawmum a ti thu le election leia sin inrik tak thaw zo hnunga hi sin a chel ding chu a hadam huoi a beisei thu lo lawmluttuhai hmaah a hri.

Governor Dr Heptulla in a vai liem



IMPHAL: Zanikhan Sangai Conference Hall, Hotel Imphal, North AOC a inthawk Manipur Governor Dr.Najma A Heptulla chun Expedition(XPD) 2470 Roadtrip- 2017 a thang hai chu a vai liem. Hi expedition a thang hi nuhmei vawng an

ni a, ni 70 sungin rambung tum tum 24 an sirsuok ding a nih. An tlung tawpna ding tak chu London a nih. Expedition team hi Rtr. Meenakshi Aravind in an rawi a nih. Hi expedition thupui chu nuhmei naupanghai ta dinga mawlna sukbo ti a nih.

NEROCA FC in hrât tak nîna an lak

IMPHAL: 7th Shaheed Monoranjan Singh Memorial CRPF Football Tournament Final chu Khuman Lampak Main Stadium-ah zanikhan inkhel a ni a, NEROCA FC in hrât tak nina an lak. Hi huna hin Khuollienin Governor Dr. Najma A. Heptulla a thang. Lawmman pakhatna latu hai kuomah lawmman Rs 1,00,000, pahinna hai kuomah Rs 75,000 le Best Player, Highest Scorer, Best Goal Keeper le First



Scorer(Final Match) hai kuomah lawmanin Rs 5000 seng pek an nih. Hi inkhel hi Rajya Sabha MP, M.C.Mary Kom le Vikram

Seghal, IGP, Manipur & Nagaland Sector, CRPF hai khawmin Guest of Honour le Functional President nipumin an uop ve

Smart Cities siem ding June thla tawpah puong nawk ding



NEW DELHI: Narendra Modi government flagship scheme- Smart City Mission hnuoia India rama Smart City siemna ding 40 hai chu Urban Development Ministry chun June 25, 2017 khin a puong nawk ding niin ei thu dawngna chun a hri. Smart City Mission hnuoia hin kum 5 sungin sawrkar

500 crore seng a pek hlak a nih. Tuchen hin India rama smart cities siem dingin khawpui 60 puong a ni ta a, 100 tingna dinga la bak 40 chu June thla sung hin puong a ni ding a nih.

Ministry chun hi scheme tan a nia inthawk June 2017 khin kum 2 a tling ta ding le inzawm hin report card tumin project zo ta le thaw mek hai ngirhnum data a lakkhawm mek a nih. Sawrkar chun tuchena hin Smart cities 60 haia dingin Rs. 1.33 lakh crores a approved ta a nih.

Smart Cities first batch 20 hai chu January, 2016 khan pong a ni a, May thla khan 13 le September, 2017 khan 27 a lo puong ta a nih.

Tar Pension sum sem zawm pei

CCPUR: District Social Welfare Office, Chiengkongpang, CCPur hmuna March 31, 2017 a inthawka IG-NOAP hnuoia Red Card le Blue Card holder hai kuoma Pension sum semna chu sunzawm pei a ni a, hun ruot angin CCPur Assembly Constituency a mi chu zanikhan sem zo a ni a, hi hun sunga le hman lo han mi tlawm deu huna pension sum hi lak thei ni dingin ei thu dawngna chun a hri.

April 5, 2017 hin Samulamlan Block hnuoia mi Red le Blue Card Holder hai ta dingin pension sum



sem nawk ning a ta, April 6, 2017 in Singngat A/C hnuoia mi hai; April 7, 2017 in Henglep A/C hnuoia mi hai sem ning a ta; April 11, 2017 in Thanlon A/C hnuoia mi hai le April 12, 2017 in Tipaimukh A/C

hnuoia mi hai sem ning a tih. Tukuma tar pension sum semna hi fet taka thaw a ni a, pawisa sem lai hi video coverage thaw a ni a, serial number dungzuiin pawisa hi sem a nih.

RBSK thuah meeting nei

CCPUR: Dr Kim Simte, CMO, CCPur inrawinain zani 1:00PM khan a office chamber-ah Rashtriya Bal Swasthya Karyakram (RBSK) le inzawmin meeting nei a nih. Hi huna hin RBSK hnuoia hmangruo peka um hai chungthua CMO in hrilna a nei a, Zengaihluin, District Program Manager, NHM chun RBSK hnuoia Guideline siema um hai hrilhrietna a nei.

Meeting huna hin CCPur District-a inthawk Block 5, Tipaimukh, Thanlon, Henglep, Singngat le Samulamlan hnuoi haia Block Program Manager (BPM) le PHC/ CHCs haia Medical Officer i/c hai le RBSK staff hai an thang. Hi zo zani 2:30PM khan CMO Office chamber-ah Iron Folic Acid (IFA) damdawi pek dan ding hriltlangna nei nawk a ni a, hi huna hin school kai ta lo naupang kum 19 le a hnuoiang hai kuoma Tablet IFA le kum 5 hnuoi tienghai kuoma Syrup IFA damdawi ASHA le RKSK fethlenga damdawi pek dan ding hriltlang a, Block tum tuma inthawk BPM le ASHA Facilitators hai an thang.

AMVDFWA in Ceasework Strike nei an tum

CCPUR: All Manipur Village Defence Force Welfare Association in Manipur sawrkar kuoma an thil ngen sukputting pek an a ninaw zing leia an lungawinawna suklangnain Manipur pumpuia VDF um hai chun April 6-10, 2017 inkar sung khin sin thaw loa nuorna 'Ceasework Strike' nei an tum.

December, 2016 a kha VDF pawl ngenna dungzua Manipur Cabinet meeting hin VDF hai hlav

Rs. 2000 a sukpong dinga a lo rel ta a ni a, sienkhawm MLA election hung um leia Election Model Code of Conduct in a huom ta leia sukputting thei lova um, chu hnunga April 5, 2017 chena an thil ngen sukputting dinga sawrkar hun an pek le nghak nawk a ni a, sienkhawm sawrkarin a ngaisaknaw leia nuorna hi nei tan an tum a nih.

An thil ngen chungthua hin Manipur-a sawrkar thar hung um hnung khaw-

min sawrkar an inltun ta a, sienkhawm dawna an la hmu naw zing niin hi pawla an General Secretary S. Laltingen Vaiphei chun a hri. Nuorna an nei sungin Manipur-a VDF um hai chu mani posting-na hmun sengah in report an ta, sienkhawm duty thaw lo ding ti chu nuorna an nei tum dan a nih. Nuorna an nei hnung khawma ngaisak an ninaw chun khau le hrat lema nuorna an la nei pei tum thu an hri.

JSSK/JSK sum sem a nih

CCPUR: National Health Mission (NHM) hnuoia Janani Shishu Suraksha Karyakaram (JSSK)/ Jansankhya Stihrata Kosh (JSK) fethlenga Government Hospital-a nuhmei naunei hai thanguina dinga sawrkar thlungpui in an duong dungzuiin damdawi le pawisa zanikhan JSY/ JSSK Cell, Dist. Hospital, CCPur-ah sem a nih. Thanguina sum hi National Health Mission (NHM) hnuoia hung a ni a, JSSK/JSY



hnuoia in registered hai kuoma thanguina hi pek hlak a ni a, zanita la hman lo han April 5, 2017 hin JSSK/JSY Cell ah office kai hun sungin lak thei

ning a ta, pawisa umdan izirin February le March thlaa sawrkar hospital-a nau nei in registered hai khawm pek ni dingin ei thu dawngna chun a hri.

VAVISUN THUPUI

Hring mi rama hin, Lalpa thatin hmu inring naw lang chu ka chau ta ding a nih. Lalpa chu nghak zing rawh; Hrattakin um la, i lungril chu insukhuoi raw se; a nih, Lalpa chu nghak zing rawh.

- Sam 23: 1-3

Editorial

PPP System hi

Ram changkang le hmasawn tahai chun Public Private Partnership (PPP) System hi an uor hle ti ei hriet. Sapram chau ni lovin khawsak rama inzin tahai chun PPP system hmanga leikak sei tak tak an daw dam, transport, Tourism le Infrastructure pawimaw tak tak an siem an hmu thu le a that dan an hril rawp hlak. India sawrkar khawmin hi thil hi a entawn ve mek pei a. India ram state hran hran haia khawm an hung uor ta pei a nih. India ram state t henkhatat lem chu lamlienpui sienna hiel khawm PPP system hi an hmang ta a nih. Mi han an hmang tangkai thei chun Manipur mihai khawmin hmang tangkai thei ve ngei ei tih ti hi ei lungril haiah um sienla nuom a um. PPP System hin mihiem lungril inret nuomna lungril a mi siem pek thei niin an lang.

Manipur state sawrkar enkawlina hnuoia Electricity/Power Department a um lai khan electric power ei hmu tha naw hle a. India ram pumpuia electric var that nawna tak state ei ni ngei ring a um. Tuhiin Electricity/Power chu Company (PPP system) enkawlina hnuoia a hung um a, electric power ei nei tha ta em em el a nih. Load shedding ti ri khawm hriet a ni ta nawh. Pre-paid system hmanga electric power ei hmu hung hin chu NE biel chau ni lovin India ram pumpuiah entawnin ei um thei ta hi lawm a um hle a nih.

Hi lei hin ei state sawrkar hin Department dang dang hai khawm PPP system hmanga thaw dan a um am ti hi hung dap pei sienla nuom a um. Electric chunchangah PPP system a hlawtling thei chun Department dang hai khawm a hung hlawtling thei ngei beisei a um. Ei rama Department lien le pawimaw em em el, Education Department, Health & Family Welfare Department hai dam hi PPP system a hung thaw nisienla chu a ram mipui han tuta naka nasa lem hin sawr tangkai thei ei ta, state sawrkar sum seng khawm a hung tlawm pha sawt ring a um. Sin thuah khawm thalai, lekhatiem sin nei lo hai hin ei sawr tangkai pha hle ring a um. Chun, quality education ei ti khawm hi a hung thain a hung insang ring a um. Damawna le hriselna tiengpangah khawm mi tam lem, a bikin mi rethei han ei sawr tangkai thei lem ngei ring a um.

Tulaila thiemna, varna hmasawna le changkangna a fe dan ang peia ei inherrem ve pei chu ei thil thaw dan ding niin an lang. Chu chu ruol ei ban vena dinga pawimaw a nih. Khawpui sunga hmunhnaw chunchangah khawm hin harsatna nasa tak ei tuok a. Sawrkar hlak chun sum an dai naw thu a hril zing a. Hi lei hin ei khawpui sunga hmunhnaw chu duthusama inthiefai thei lovin a umzing. Hi lei hin ei khawpui sunga hmunhnaw chu duthusama inthiefai thei lovin a um zing a. Hi lei hin hmunhnaw dehawna chunchangah khawm hin ei hmang tangkai lem ngei ring a um. PPP System-a ei thaw chun thalai sin neilo tam takin sin or inhlawna nitin an hung nei thei pha bawk ding a nih. Aizawl, Mizoram le Gangtok, Sikkim haiah hmunhnaw dehawna sin hi PPP system a thaw a ni a, a hlawtling hle.

Zani hmasaw state cabinet meeting chun Public Transport system thaw thar nawk dingin a rel a. Hi thil khawm hi PPP system a thaw hung nisienla a hung hlawtling thei ring a um. Sawrkar thil hai hi mani ta ang taka en hi harsa ei la ti hri a, private company-hai an hung thang chun an service a hung tha lem pei a nih. Electric fee peklaw (prepaid) ei thaw hi a tangkai hle a, sum an hmu tha lein electric khawm a hung var tha el a nih. Electric fee peklaw kawngah hin harsatna tukhawma ei tuok hran chungu nawh. Ei hung peklaw thei seng el a nih. H thuah hin Congress sawrkar kha inpak a um khawp el. An thil thaw hai laia a tha le a hlawtling tak a ni ngei ring a um.

Kum 1974-75 vel khan Public Transport System ei state-ah a lo um ta a. Kha thil kha Manipur State Road Transport Corporation (MSRTC) enkawl a nih. Hi Corporation a thawktuhai le sawrkar khan mani ta ang an enkawl naw lei khan service a hung tawp a nih ti inla ei hril suol taluo ring a um nawh. Chulein, Public Transport system thaw le sunzawm nawk a lo ni khawma PPP System hnuoia thaw hung nisienla nuom a um. MSRTC a service lai khan chu MSRTC Bus hai security escort in bandh huna khawm an service a, mipui han ei sawr tangkai hle a nih. Ei ram thuoitu han thurawn siema um hai hung la bawk hai sienla nuom a um.

ALL INDIA RADIO: CHURACHANDPUR PROGRAMME

Date: April 05, 2017 (Nilaini)

TRANSMISSION- FM-101.4 Megahertz

Hours	Studio/	Programme
5.23pm	CR/P	Signature
5.25pm	CR/P	Vande Mataram, Time Reading, Opening Announcements Mangal Dhvani
5.30pm	P	PAITE Prog. Sig. Tune & Announcement Announcer: Alex Sianggouthang 1) H. Mangtungnung & party (mod)
6.00pm	P	HIMAR Prog., sig. Tune & Announcement Announcer: Zarkozim 1) Laldiklien (mod) 2) Paulsiemlien (mod)
6.30pm	P	THADOU Prog., sig. Tune & Announcement Announcer: Seilienrang 1) Elvis Ginminthang Haokip & party (trad) 2) Talk: Meithai ho khoto ding" by Veikholam Mate
7:00PM	P	Farm & Home: Thadou 1) Jeff Akai Haokip (dev) 2) Talk: "thadou Chondan a tu leh be" by Nehkam

Editorial Board

Lalmalsawm Sellate: Editor & Publisher

Roding L. Sellate: Jt. Editor

Ramdutim @ Rama Ralsun: Asst. Editor

Lalsansuok Pulamte &

Samuel Zothanglien@SZ Zote: Sports

Joseph Joute: Freelance

Lalruotlien Dulien: Computer Assistant

Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.

ARTICLE/HEALTH & EMPLOYMENT NEWS

DINGDIHLIPA NGIRIN KA THLIR HLAKE

-Ruoivel Pangamte
(# 9862402286)



March 08, 2017, zan dar 6:30 khan, ei huntawng mek le inzawma titina hun hmang dingin, Rev. Dr. Vanlalngkhakthang Khawbung, Unauun May Rose le kei, kan pathumin, All India Radio, Churachandpur Station, Recording Studio-ah kan inthung a. Kan titina thupui ding chu, "Hmar Society-a Kohran, Khawtlang le Fak le Dawng Ngirhmun" chungchang a nih. Hieng anga thupui lien le pawimaw, darkar chenve khawm ting lova kan zuk hritlang ding chu, ditkhawp a um naw takzetin ka hriet a. Darkar 1 sung bek ni thei sien ka nuom hle. A thei bawk si nawh.

Induthaw tak le ditkhawplo takin, ei rama kohran pawlhai hmalak dan le khawtlang inrelbawl dan kan hril puot a. Chuonghai chun inchuklaihai inchukna le ei fak-le-dawng zawng dan nasataka a sukkawnkawzie hai dam, hmawsarum le tlanbahrikin kan hril a nih. Hril ding le hril nuom kan lo hau seng lein, tawng kan inchu a ni deutak el! Kan lungawina taw hril seng inlang lem chu, darkar 3 sung vel hiel kan hmang ka ring.

A tak laia a lem a um ding hi chu, Bible-a khawm ziek a nih a. "Nang a lem i nih a, kei a tak ka nih" inti ngam ding hlak ei um bawk si nawh. Thenkhat ti danin, a lem hin, a tak nekina a tak a ang lem hlak bawk si a! Hmar society-a ei inza le ei sie insangtak chu Kohran hi a nih a. A pawng a taka Kohran do ngam le hrile ngam hi chu ei um nawh. 'Kohran hrilsie chu Pathien hrilsie' anga ei ngai hlak a ni lei a nih. Hi lei hin Kohran khawm a'n luling hlak hrim a. Kum zabi sawmparukna laia kohran lem kha chu, 'Vanram chabi' kawltua inngai hiel a nih. Wittenburg University-a Professor sin thaw, Martin Luther khan lo kal ngam naw sienla lem chu, kha hunlaia Kohran kha, ieng ang khieuvn am a la'n luling zawm pei ding chu(h)...!

Mizoroma thuhritlu pakhat chun, "Suol hi kohran pawl haiah a ngampa ta bek bek lein, mi tamtakin kohran ei hmu dan hi a dazot ta tah" a tih a. A san chu, Biek Ina thuhritluhai thuhrit le Biek In puotienga an khawsak danhai a'n ang ta ngai naw em hlak lei a nih! Pulpit-a Pathien hmangaina le A ngaidamna khekpuitu hai khawm, an zuomzawng a'n an paw i an hei taw kek change an dawngsawng dan le, Pulpit-a an thuhritluhai kha, a'n persan thei ta em hlaka a nih. Chu khela chun, mipui tamtakin kohran hmalakna an ngaisang ta bek nawna san chu, indiklo taka sum laluttu haiin, thawlawm an pek tam hlak lei sek a, kohran pawl hmalaknaa thau an nei ta em em el hi, niin an hril nawk baw. Khawvel thilhai maksan a, a hrana um dinga Pathienin A ikohranha'n, Hmun thienghlima Babulon thil ei seklut nawk pei hlak hi, kohran hmang ei putna le hin a'n tu naw hlak bawka a nih. Hienghai lei hin, a tehlema kohran-mihai laia inzel hi a lo awlsam em em a. Sudden Muanga hlaphuokin, "Mihausate chu kohranah an lut ta dial a" a ti khawm hi, thudik a hung ni ta pei a hawi.

Chu chu, 'corruption' ei ti le inthungmat tlat hi a nih a. Mani hlak lakna ngaita a, kohran rawngbawlnaa a kul a taia inhmang hlakhai, kohran pawlin an lo pak hlum el hlak dam hi, kohran hmel suksetu an nih. An thawchanpui haiin iengmalova an ngai le hnungtienga an nusan hlak, kohran pawlin chungu taka a lo hmu mawi thei el chu, tangkasum hin kohran pawl mit a lo sukdel nasa ta hle tina a nih. Mani sin ngaitatu neka 'mi corrupt' an um thei chungu naw lein, chungu ang mihai ta ding chun, Indikna le Thienghlimna Pathien kebulah hmun a um thei ding am a nih? Suol ngampatna hmuna, Pathien Thlarau Thienghlim a ngampat ve ring a um si nawh. Pastor pakhatin, "Ei rethei em leia depde ei nih" a ti laiin, kei ve thung chun, "Ei depde em leia rethei ei nih" ka ti ve thung a. Pathien Thu en chun, ka'n dik lem ka ring. Lal David khawm a, "Naupang ka lo ni tah a, tuhin putar ka hung ni tah. Nisienlakhawm, mi fel chu maksana a um ka hmu ngai nawh" a lo ti ve tlat lein.

Chun, khawsung inenkawlina a, inchuklaihai ei sukbuoi rawn taluot khawm hi, inchuklaiha'n an thuanawppui hle a nih ti khawm kan hril kai a. Hi thu hi hril a ni ph, thenkhatin 'tawmngaina neilo' anga inbelna a um hlak. Ei huntawng dungzuia chang le che ding ei nih tina a ni lem. Sietni thatin po povan inchuklaihai ei sukchhai vawng chun, inchuklaihai ta dingin, them khawpa lekhatiemna

Ujjwala Yojana dawng 2 crore an chungu tah

NEW DELHI: Prime Minister Narendra Modi in nikum-a inthawka a tan Ujjwala Yojana hnuoia tuchena hin mi 2 crore chungu in LPG connection an dawng tah. Hi scheme hnuoia hin kum 3 sungin BPL sungkuo haia inthawk nuhmei 5 crore hai kuoma security deposit um lovin LPG

ding hun a um thei naw ding a nih. Examnaa 'pass' ringawt hi a ni ta nawh. Inelna khawvela chungukai ei ni ta lein, ei inelpuihai neka ei them lem fet naw chun, ei damkhawsook zo naw ding a nih. Mizorama mithiem pakhat Revd Chuathuama chun, "Inchuklaihai chu BA/BSc an inchuk hmâ chun, Kohran le YMA khawmin, ienga khawm la phut naw inla ka nuom" a ti hiel a nih. Inhma lai chun, Degree annawleh Certificate hmangin sin zawng a ni hlak a. Tulai hin chu, 'thiemnain, ei thiemna ngeiin' sin ei zawng ta lem a nih. 'Sinin a mi zawng ta lem a nih' ti lem ding niawm tak a nih. "Mithiem chun sin a zawng ta nawh a, sinin mithiem a zawng ta lem" ti thei khawm a nih.

Thiemna khawvela cheng ei ni tah a. Inthlang huna khawm, inhma laia Ballot Paper ei hmang hlak ang kha ei hmang ta nawh a. EVM (Electronic Voting Machine) hmangin ei vote nuom tak ei vote lem tah. Hi hin tinzawn a neiin ka hriet. Aadhaar Card hlak hi a hung pawimaw deu deu tah a. Bank-a account hawng ding khawmin, Aadhaar Card Number ei nei a hung ngai pei ding an' tah. Chun, Bank-a sum laksuok ding khawmin, Bank-a lut kher ngai ta lovin, ATM Booth (Automatic Teller Machine Booth)-a inthawkin, pawisa ei laksuok thei tah. Hienga Bank Account le Aadhaar Card in inzawmna a hung nei pei ta hin chu, iengtik nia 'mani chu, Vote thlakna ding khawm hin, ei Aadhaar Number hi, hmang ta la hung ni ring a um. Chu phâ chun chu, Aadhaar Card sienna dinga ei kutzie ei hmetlut kha, EVM-ah hung install ta'ng an ta. Ei Aadhaar Card-a ei number chu, ei Voter Slip-a ei Number kha hung ni ta'ng a t'a. Ka number-a kham ni dangin hmet hmet hai sien khawm, kawka a nei ta naw ding a nih. ATM Booth-a ei number ni lo, mi dang number-a pawisa ei laksuok theinaw ang bawk hin, EVM-a ei number le ei kutzie install-a um kha, a kutze neitu takin a hmet naw chun, hmet hmet khawm kham umzie a hung nei ta naw ding a nih. Vote inrukpek ti ang vel chu 'kahase' a hung ni ta ding a nih.

Ei ti dea chu, tu tuma ei inthlanga khawm kham, pawisa suma inchwak hlei theilo khawpa Pathien fimi, iemanizat ei um tah ti chu a chieng thawkhat hle. Sum inhrat le tharum hmanga inthithaina khawm a hung umnaw deu deu pei ding niin a'n lang. Hmar biel lem hi chu, mi dang Vote inthlakpek umnawna hmuna record a ni hiel a nih. Mipui ei hung changkang deu deu a. Politician-hai inhnelnaa um ei hung nuom naw deu deu ding a nih. A chungu ei hril ang khin, Election-a Sawrkar-in sum tamtak tak a seng hlak khawm hi, a tul naw vak ding an' tah. Khaw tinah Electronic Voting Machine (EVM) pakhat inthut ni'ng a t'a. Village Authority tinin, Vote thlak thei hun sunga Vote nei taphawtin Vote an thlak dan ding riruong an t'a. Chu zet chun chu, ieng ang indiknawp khawm kham, a um Vote bak a thlak thei ta naw ding a ni lein, khawlai dunga namthluka umtah indikna khawm chu hung ngir nawk ta'ng a tih. Miipui changkang ta baw, Vote thlak dan changkang ta baw, thilthanaw chu thaw thei a ni tanaw ding a ni lein, tlawmngai MLA sin thaw ding, a hnawka ei la'n hnawk hun khawm a la hung tung el thei a nih.

Pu Dr. Lal Dena'n, "Kei chu MLA hi, thlengdarin hung dawm hai sien, 'Lunginsiettakin mi pawmpok hram rawh' hung ti hai sien khawm, ka'n ngaituo fet ka ring" a ti hlak hi, iengtik huna 'mani chu, HLS anga MLA ding tlawmngai inzawng hun a la hung tung el thei a nih.

Hun thara chun, Pathien tina le hmangai letna nei lova Pastor ni ngamnawna hun dam, ram le hnam hmangaina nei tak tak naw inhrat lei a, MLA ni ngamnawna hun dam, iengkim hmeti mithmuah iengkhawm thup thei a ni nawh ti hriet leia ringum tak le taima taka Sawrkar sin thaw nuomna hun dam, sum lamna a lo indiknaw hlak leia nauha'n lampui hnuoihngan an hraw hlak ti hmuuokna lei a, indik le felfai taka sum lam nuomna lungril nei hun dam a la hung tung pei ding a nih. Chu hun tung ding hun chu, Dingdihlipa ngirin ka thlir hlak.

April 01, 2017

Rengkhai

Recruitment of JRF under EMR-SERB project in Physics Manipur

Applications are invited from suitable candidates for the position of one junior research fellow in the following research project funded by SERB, Govt. of India, under the supervision of Dr. Loushambam Herojit Singh, Assistant Professor, Dept. of Physics, NIT Manipur. Research project title: "Improving the stability and capacity of spinel ferrites for Li batteries".

No. of post: 01

Qualification: Essential: M. Sc. in Physics from a recognized university or institute. Additional desirable: Experience in synthesis of nanoparticles.

Duration:

3 years or completion of the project, whichever is earlier

Salary (per month):

For NET/GATE qualified candidate: Rs. 25,000/- per month For non-NET/GATE: Rs. 16,000/- pm for the first two years and Rs. 18,000/- pm for the third year. HRA will be 10% of the entitled monthly stipend

Age limit:

Must not be over 28 yrs as on 30 November 2016.

Filled application form must reach on or before 10th April, 2017. Candidates may send a scanned copy of the same in advance to loushambam@gmail.com for review purpose.

Important dates:

Last Apply Date: *10-04-2017*

The interview of the shortlisted candidates will be held on 20th April, 2017 in the physics department.

List of the shortlisted candidates will be uploaded in the institute website as well as Physics department's website on 11th April, 2017 and no separate call letter will be issued.

For more information visit: http://www.nitmanipur.ac.in/LatestUpdate/Recruitment_of_JRF_under_EMR-SERB_project_in_Physics2017.pdf Or,

Website: www.nitmanipur.ac.in

College Students 2 saruokin a thisaa hmu

PUNE: Pune a Bhushti Dam le INS Shivaji inkar hmun re-na lai tak Lonavla college students 2 saruokin a thisaa hmu an nih. Mithiruong hai chu an panga pawna be iemanizat hmu a nih. An ruong bula chun mobile phones inhmang tam tak hmu a na, ruk inrukna a in-rawlina nei ni dinga ring an nih. Thil tung le inzwamin ringhla mi 2 man an ni tah. An college ID Card dungzuin mithihai chu Sarthak Waghchore (24) le Shruti Sanjay Dumbre (22) hai an na, Waghchore

chi Ahmednagar mi niin,

Dumbre chu Pune hmuna

um a nih. Hieng student hai

hi Lonavla hmuna Sinha-

gad Engineering College a

kai an nih. Waghchore chu

In hloua um a na, Dumbre

chu college hostel a um a

niin.

Mani inthang anga police

hai kuoma inthun a na,

an thi dan le an ruong hai

enin a thattu um ni dinga an

ring thu police haiin an ring

thung. An mobile phone hai

lakpek ve ve an na, an Bike

chu an ruong a inthaw 200

ft a hlau hmu a nih.

J&K a Police 5,000 lakha dingah candidates 1.5 lakh an um

NEW DELHI: Jammu and Kashmir-a Police post 5,000 lakha dinga chun thalai mi 1,50,000 in hnina an pek. Jammu and Kashmir sawrkar chun Indian Reserve Battalions (IRBs) battalion thar post 1,50,000 lakha ding hin process a tan mek a, application petu mi 100-ah 40 hai chu Kashmir valley a mi an ni a, post pakhat inchu dingin candidates 30 pei an um a nih tiin senior government official pakhat chun a hril.

Thalai sin nei lo tam tak

han sin an nei theina dinga IRBs hi lak thar hi tum a ni a, hi laia 60 percent chu battalion thara ding an nih. IRB battalion thar lakna dinga hin Rs. 61 crore vel seng dinga riruong a ni a, hi laia 75% chu Centre in a tum ding a nih.

India rama state tum tumah tuhin India Reserve Battalions 144 an a, heng-hai baka hin Andhra Pradesh le Telangana, Maoist hai hratan states haia battalion 4 seng le Jammu and Kashmir-ah battalions 5 lak thar a nih.

Riruong siem neka 18% a tam tax daw suok

NEW DELHI: Kum 2016-2017 sungin riruong lo siem lawk neka 18% a tam ram sungah tax daw suok a nih. 2016-2017 sunga tax target siem chu Rs. 16.97 Lakh Crore a na, a taka daw suok ruok chu Rs. 17.10 Lakh Crore a ting phak niin zanita Finance Ministry thusuok chun a hril. Nikuma tax daw suok hi kum 6 sunga a tam tum tak

a nih. March, 2017 chen kham Rs. 8.47 lakh crore direct tax daw suok a na, nikum hmasak nekin 14.2% in a tam lem a nih. Indirect tax khawm Rs. 8.63 lakh crore zet daw suok a nih. Kum 2015-2016 a revenue hmu nekin 2016-2017 hin 22% in a tam lem a, mimal in income tax an pek khawm kumhlui nekin 21% in a tam lem baw.

Pakistan in ceasefire a bawsie nawk

JAMMU: Darkar 24 sunga a vawthumna dingin zan-ikhan Pakistan in ceasefire dan a bawsie nawk. Zani zingkar dar 11:00 AM vel khan Rajouri district hmuna Indian Army duty hai chu Pakistan sipaihai in automatic silai le mortar hman- gin an kap a, Indian Army hai khawmin an kaplet veh a, hun iemanichen an inkaptuo pha. Inkapna leia thi le hliem an um nawh.

Zani hmasak khawm khan Balakote sector hmuna Indian Army post Pakistan sipai haiin mortar le automatic silai hmang bawkin an kap a, darkar iemanizat sung an inkaptuo pha ta baw. April 1, 2017 khan Pakistan sipaihai Im-provised Explosive Device (IED) sukpuok lein Naib Subedar S Sanayaima Som in a hringna a chan pha a, March 12, 13 le 19, 2017 hai khawm khan Pakistan sipai haiin ceasefire dan an bawsie ta baw. Pakistan sipai hai silai kapin LoC hmuna thil tam tak a sukset lein, LoC hmuna India le Pakistan hai insumdawngtuona ni tlawmte sung sukchawh pha a nih. March 9, 2017 khan-Poonch hmuna LoC a duty hai Pakistan sipai haiin Deepak Jagannath Ghadge chu kaplum a nih. Kum 2016 sung khan Pakistanin tum 228 LoC hmuna le tum 221 International Border (IB)-ah Pakistan in ceasefire dan a bawsiet a nih.

Churachandpur Weather Forecast: April 5, 2017 (WED)

WED MORNING	WED AFTERNOON	WED EVENING	WED OVERNIGHT
Risk of thunderstorms	Risk of a thunderstorm	Risk of thunderstorms	Risk of a thunderstorm
19°C	25°C	18°C	17°C
Feels like: 19	Feels like: 25	Feels like: 18	Feels like: 17
POP: 40%	POP: 60%	POP: 60%	POP: 40%
Rain: <1 mm	Rain: 1-3 mm	Rain: <1 mm	Rain: <1 mm
Wind: 5 km/h W	Wind: 10 km/h W	Wind: 5 km/h NE	Wind: 5 km/h W
Wind gust: 6 km/h	Wind gust: 11 km/h	Wind gust: 7 km/h	Wind gust: 9 km/h
Humidity: 88%	Humidity: 91%	Humidity: 96%	Humidity: 97%

LAKTAWI

Zu inchawk theina permit nei mi 71,230

AIZAWL: Mizoram Liquor Prohibition and Control (IMFL) inchawk theina permit nei mi 71,230 le permit nei Zu zawrna dawr nei mi 39 Aizawl Municipal Corporation (AMC) huop sungah an um. Supreme Court in National Highway a inthawka metres 500 huop sungah Zu zawrna dawr um thei naw nih tia a rel lein April 1, 2017 a inthawk khan AMC sunga Zu dawr 12 khar a ni tah tiin Z. Lalmangaiha, Superintendent, Excise & Narcotics, Aizawl District chun a hril.

Rs. 200 note RBI in siem a tum

NEW DELHI: Tuta inthawka hun sawntawte hnungah Reserve Bank of India (RBI) chun Rs. 200 note siem a tum. Pawisa note lem man le hrietdaw-kna dingin RBI chun kum 3-4 dan peiah Rs. 500 le Rs. 2000 note haia Security features thlakthleng pei a tum baw a nih. Rs. 500 le Rs. 2000 hai that a ni hnung khawm khan Rs. 500 le Rs. 2000 note tehlem tam tak man thein a la um a, hi thil hi sawrkar thlungpui chun a ngai pawimaw hle a nih. Rs. 200 note thar siem dingah khawm hin security feature thar inbuk ning a tih tiin RBI thusuok chun a hril.

Goa-ah Zu dawr 3,200 khar dingin

PANAJI: Supreme Court in national le state highways haia inthawka metres 500 huom sunga Hotels le restaurants haia Zu dawr hai khap dinga a rel le April 1, 2017 a inthawk hi khapna dan hmang a ni ta le inzawmin Goa-ah Zu dawr 3,200 hai khar dinga inhrietir an nih tiin Excise Commissioner Mennino D'Souza chun a hril. Kerala, Himachal Pradesh, Arunachal Pradesh, Punjab, Telangana le Haryana hai thangin state tum tum hai chun metre 500 bielsung dinga Supreme Court in a rel chu sukhnui dingin an ngen a nih.

TN Ngamantu 18 hung insuo

RAMESWARAM: Sri Lanka Navy han March 21-26, 2017 inkrang sunga Tamil Nadu Ngamantu 38 a man le hrentang hai laia 18 hai chu zanikhan Sri Lanka Navy han insuin India Coast Guard hai kutah an hlan. March 21, 2017 khan Sri Lanka Navy chun Katchatheevu hmuna IMBL an pel lein Ngamantu 10 a man a, a zing ah Nagapattinam le Rameswram district haia inthawk Ngamantu 16 a man a, March 26, 2017 khan Pudukottai district-ah Ngamantu 12 a man nawk a nih.

Pilot zurui thla 8 sung jail intang ding

CALGARY: Canada rama chun airline pilot Miroslav Gronych chu cockpit sungah zurui pumin a lut tia intumna lein thla 8 sung jail intang dinga a chungthu rel a nih. Mr Gronych hi thla hmasa laia kha thiennaw inchangtira um a ni danin a phal bak a thisenah alcohol a um leia jail intang dinga a chungthu rel a nih. Co-pilot chun Gronych hi vuongna sunga inthawk suok dingin a ti nghe nghe a, sienkhawm a lut lui tho a nih.

2016-2017 sungin Cigarettes Rs. 4.28 cr manhu man

GUWAHATI: Kum 2016-2017 sung khan Customs Division, Guwahati a anti-smuggling unit haiin Myanmar le Korea rambung haia inthawka phurlut Cigarettes Rs. 4.28 crore manhu an man. Chuong Cigarettes hai chu Assam state sung hmun tum tum haia man an na, king size filter cigarettes a tam tak niin, mana um po chu thlon 82,02,000 a nih. LGBI Airport, Bus thenkhat sung, hotel le

hmun hran hran haia Cigarettes hai chu man an na, Cigarettes mana um hai lai chun Paris, Ruili River, Win, Peacock, Peacock Classic, Porai, Golden Elephant le a dang dang hai an thang. Cigarettes hai chu Asia khawmuolpui, Myanmar le Korea rama inthawka phurlut an ni deu tak. Custom official thusuokin a hril dan chun, Cigarettes hai chu vuongna a phur nilo hai chu Moreh,

Manipur a inthawka phurlut a tam tak niin an hril. Cigarettes le ramdang thuumhnaw dang dang hai chu Guwahati a phurlut phawt niin, Guwahati a inthawk chun state dang dang haia thawn dar nawk hlak an nih. Ramdang cigarettes hai chu India ram siem nekin a man a tlawm lem a, chu a khawmin sumdawngtu hui in hlawkna tam tak an hlan hlak niin Custom thusuok chun a hril.

UP Board exam huna enrukna hai FIR file khum ding

LUCKNOW: Board exam nei huna a hawnpuia enrük an thawna hmun hai chu Uttar Pradesh sawrkarin FIR thelut khum dingin thutlukna a siem. Chuong exam centre hai chu FIR thelut khum hnunga banned dinga ti an ni bawk. Hi le inzawmin, UP CM Adityanath in Board officials hai hmatalu dingin a dande a, an hma tiengna hma la dingin a hril. Primary, secondary, higher le technical education department officials hai ngirhmun uluk taka en-

nawna a nei hnungin, an ngirhmun a chun a lung a awi naw niin Adityanath chun a hril. Teacher le student hai attendance chunthuthua khawm a lung a awi taww nawh a, tuta inthawk attendance lakna dingin biometric machine hmang dingin a hril, private institutions a fee hai khawm dan hmanga indik taka thaw dingin a hril bawk. Institutions thenkhat a teacher tam tak mamaw an ni thu Adityanath chun a hril a, chuong institutions a teaching le non-teaching

staff hai chu a pawimaw ang an rang thei anga sukbit dingin Education department-ah phütna a siem. Zani zantieng khan Lucknow hmunah Adityanath in UP CM a chel hnunga cabinet meeting hmasatak nei a nih. Cabinet meeting chu hun sawt taka inthawka UP mipui-haiin an lo tung tha a na, meeting neina a chun tu tam tak an ngaituo ring niin, BJP sawrkarin an tienna angin, loneituhai loan khawm a sukbo pek dinga ring a nih.

PM Modi in Kishori Amonkar a sunna thu puong

NEW DELHI: Hindustani classical vocalist Kishori Amonkar a thina le inzawmin, zanikhan Prime Minister Narendra Modi in a sunna thu a puong. Kishori Amonkar a thina chu classical music khawvela dingin India ta dinga channa ropuitak a ni thu PM in a hril a, a thi hnung khawmin India mihaain Kishori Amonkar chu iengtiklai khawm theinghilova an hriet zing ding thu a hril. Zanita Mumbai hmuna Kishori Amonkar inthla lienna huna chun rimawi khawvela ni inlar tam tak an fekhawm a, inzana an pek thu le an sunna thu hai an hril tawl. Kishori Amonkar chu natna leia



hun tawite enkawl a ni hnunga thi a na, a ruong Ravindra Natya Mandir a sie niin, mipui sang tam tak a hun nuhnungtak hmangna a hin an thang. Zani zantieng khan Dadar crematorium-ah a ruong rawhmang a nih. Amonkar chu April 10, 1932 khan Mumbai-ah a pieng a, ama hi Hindustani tradition a dinga

hlasakthiem hmingthang a nih. A nu Mogubai Kurdikar khawm hlasakthiem hmingthang tho a na, Al-ladiya Khan Saheb khawm ama inchuktirna hnuoia seilien a ni nghe nghe. Amonkar chu hlasakthiem a ni bakah Speaker khawm niin, thuhrlin India ram a fangsuok taa hril a nih. Amonkar in a thuhrlil tak hlak chu music le inzawma rasa (feelings, emotions) theory a na, a thienna hai lein awards khawm tam tak inhlana ni tah. Award a dawng hai lai chun India rama civilian hai chawimawina laia insangtak Padma Bhushan (1987) le Padma Vibhushan (2002) hai khawm an thang.

Kejriwal in municipal election sawn dinga phut

NEW DELHI: AAP Conve-nor le Delhi Chief Minister Arvind Kejriwal chun ballot papers hmanga inthlangna nei a ni theina dingin Delhi hmuna Municipal election um ding chu sawn dingin a phüt. Kejriwal chun EVM hai chu siem danglam thei niin a hril a, EVM indiklo chu hnawla ballot paper hmanga inthlangna nei dingin a hril a nih.

Bhind hmuna report um chun election le inzawmin zawna lientak a siem niin Kejriwal chun chanchin-bumihai kuomah a hril. Bhind, Madhya Pradesh hmuna election nei tum khan, EVM chun political party thenkhat slip chau demo exercise nei huna a suklang thei a, hi chungthu

hi Election Commission in enfika nei a, EVM hai chu indik taka hmang an ni theina hma la dingin Kejriwal chun phütna a siem. Suichiengna awlsam taka nei a ni theina dingin, EVM sienna software le EVM siemtuhaui chu vantlang hriet dinga puonglang dingin Kejriwal chun a phüt bawk.

Pancake fak inelna-a thi

CONNECTICUT: Connecticut hmuna Nursing college in liemth Pathienni a Pancake fak inel an thawna a t hang ve, Caitlin Nelson chu Pancake a fak rawn taluo tuor lovin a thi pha. Caitlin Nelson chu Sacred Heart University a Kappa Delta sorority a member a na, zanikhan an University in sunna hun an hmang. Caitlin Nelson chu Pancake a fak hnunga a umdan a danglam lein 911 a call nia hril a na,

chu huna chun damdawi In a enkawl dinga admit a nih. A pa chu James Nelson niin, New York hmuna lawng chawlna hmuna sinthaw a na, World Trade Center bei huna kha thi nia hril a nih. Nelson a thina chun an University campus chu t apna in a suksip a, student sangtel pungkhwamin sunna an nei. Chapel tula chun student ruol umkhawmin candle sitvarna an nei a, inhnem intuo-in

an lusüna an insawk tawn niin University spokesper-son chun a hril. LinkedIn profile-a a suklang dungzuin, Nelson chu Sacred Heart University a Social Work inchuklai niin, Newton hmuna Resiliency Center-ah volunteer sin a thaw a nih. Resiliency Center chu non-profit organization, Sandy Hook Elementary School hmuna mi tam tak kaphlum huna tuortu hai enkawltu a nih.

Kum 70 chuong innei tah nupa minute 4 sungin an thi ve ve

LONDON: British nupa, inhmangai takel, kum 70 chuong zet lo innei tah Wilf Russell (93) le a nuhmei Vera (91) hai chu March 29, 2017 khan minute 4 sungin an thi ve ve nia hril a nih.



Wilf Russell hi dementia natna leia Magna Care Home-a enkawl chu zing 6:50AM in a thi a, a nuhmei Vera khawm a thi zo minutes 4 chauin a pasal thi thu hre der loin Leicester Royal Infirmary hmuna a thi nawk a nih. An tunu Stephanie Welch chun, kum khat liemta inthawka kha a pu hi Dementia leia enkawla lo um ta le thla khat vel liemta kha Care home-a enkawla um a ni a, ka pi hin an khat tawkin a va kan hlak a, tulai hnai ela a va kan tum chun ka pu hin ka pi chu a lo hriet tanaw a, chu nia inthawka ka pi hriselna khawm hi nasa takin a hung tlahnuoi a nih tiin a hril. Pathienni khan ka pi hi Leicester Royal Infirmary hmuna ka va kan a,

a mit mengin a mi lo en a, "Wilf" khawlam a um? tiin a min dawn a, a tawngkam nuhnung tak chu, "We're a right pair, aren't we?" ti a nih tiin Welch chun a hril. Wilf hi 6:50AM in a thi a, Wilf (a pasal) thi thu kan hril hmain Vera hi 6:54 in a thi nawk a nih, ka pi Vera khan a pasal a hman-gai le a ngai em em Wilf fe ding kha a lo la nghak a ni ka ring, tiin an tunu Welch chun a hril. Wilf le Vera hai hi kum 18 le kum 16 mi an n laia inhmuna an ni a, Indopui pahniina huna Royal Air Force-a ka pu North Africa le Italy haia a fe hmaa innei

dinga inhuol an ni a, ka pu hung kir hnungin an innei a, West Midlands hmuna ka pu Wilf chun Engineer sin a thaw a, a hnungin Oadby tieng an insawn nawk a nih. Wilf le Vera hai hin nau pasal pahni, tu 5, tu-sawng 7 le tu nawk sawng 2 an thisan a nih. Welch chun a pi le pu hai chu nupa inhmangai le inhnai takel, sungkuo hmangai le ngaituo em em an nih tiin a hril a, ka pu Wilf a natna leia Care Home-a a uma inthawk tinaw chu ka pi le pu hi zan huna hmun hranan an um ngainaw hrim hrim a nih tiin Wilf chun a hril bawk.

PM le Omani Foreign Minister inbiekna nei



NEW DELHI: Omani Foreign Affairs Minister Yousuf bin Alawi bin Abdullah chu India-ah a hung inzin a, zanikhan Prime Minister Narendra Modi leh inbiekna an nei. Inbiekna an nei huna chun India le Oman haiin kawng hran hrana inzawmna an nei hai le hma a sawn hrat zie hai hrilllangna an nei. Yousuf bin Alawi bin Abdullah in PM hi a va kan a na, Sultan Qaboos bin Said Al Said in chibai a bukna thu an thun bawk. PM khawmin Oman

PAWISA SUKHMANG HMU

April 4, 2017 (zani) khan Thangjam Road le District Hospital, CCPur inkrarah pawisa iemanizat zet hmu a ni a. Pawisa sukhmang hai chun a hnuoia Contact number-a hin kanchieng le, a pawisa nizat le umdan indik taka hrilin April 8, 2017 chenin lakir thei a tih. Hun tiem pek hnunga sukriral a lo ni khawmin hrilbuoi thei ni tanaw nih. Pawisa neitu chun Chanchinbua thu insuo man a pek tul a tih. Contact No. 9856262212

The 27th Hmar Martyr's Day

-Cum-
The 14th State Level Hmar Martyrs' Trophy Opening Ceremony
Venue: Saikawt Playground, Saikawt, Churachandpur, Manipur
The 5th April, 2017
Time: 1:00PM (Arrival of Public)
1:30 PM (Arrival of Chief Guest)
Chief Guest : Shri Thangjam Haokip
President, Kuki Inpi Churachandpur
Guest of Honour : Shri B. Dongzalian
Chairman, Zomi Council
Functional President: Shri Joseph Lalrothang
President, Hmar Inpui GHQ

PROGRAMME
Compere : Nk. Lawmnakim Hrangate
Opening Prayer : Rev. Lalthangkung AG (Localise)
Welcome Address: Nk. Lawmnakim Hrangate
Special No. : Tv. Thawlehnanirropui (Puipuia)
Presentation : Mr Lalvullien Hmar
Chairman, HMARTOB
Special No. : Nk. Lalengvari Sinate
Speech : Functional President
Special No. : Tv. Thawlehnanirropui (Puipuia)
Speech : Guest of Honour
Special No. : Nk. Lalengvari Sinate
Flag Hoisting & speech: Chief Guest
Special No. : Tv. Thawlehnanirropui (puipuia)
Closing Prayer : Pastor Ruolneisang Hrangchal (EAC)
Sd/- Lalvullien Hmar
Chairman, HMARTOB
Sd/- Alan Famhoite
Secretary, HMARTOB

Indian Coast Guard Lawng CGS Shoor in Colombo a sir



NEW DELHI: Zanikhan Indian Coast Guard lawng CGS Shoor in Sri Lanka khawpui Colombo a sir. Indian Coast Guard lawngin Colombo a sirna chu Sri Lanka le India hmuna Coast Guard hai inkrara inlaichinna tha lem siem tumna lei nia hril a nih. CGS Shoor hi ni 5 sung Colombo-ah cham a ta, Ningani chen hin Sri Lana Coast Guard le sailor hai sea training neipui a tih. India le Sri Lanka Coast Guard hai chu inzawmna tha lem an nei peia hril a na, chu inzawmna chu Coast Guard lawngin rambung an insir

ACCELERATE
Bijng, Family Lane, Churachandpur
Congratulations to the successful candidates
IBPS PO - 2016
IBPS CLERK - 2016
Ginliansang Vuainam
Punjab & Sind Bank
Henminlin Haokip
Canara Bank
Angela Donbiakhoh
Canara Bank
Kim Mary Haokip
Canara Bank
Thangjapao Doungel
Bank of Baroda
Sumrosiem
Central Bank of India

Hamas-in Israel thangpuitu manin an that pei

TEL AVIV: Israel le Palestine hai kara buoia sosang pei le March 24 a Palestine helpawl Hamas hotu Mazen Fukaha kap hlum a nina thu le inzawmin Hamas helpawlhai chun Israel police hai thangpuitu Palestine mi le sa tamtak an man a, an that pei niin official thusuok chun a hril. Hamas helpawl hai le inzawm website pakhat khawmin, Thawtanni khan, Hamas security service chun Gaza Strip laia Palestine mi Israel police hai thangpui hlaktu mi iemani zat man an nih a, an rengin hrehmang that 'executed' an nih, tiin mana umhai thlalak leh a post. An Facebook page ah Al-Majid in a hril dan chun, "Israel hai lo thangpui hlaktu pawl khät chu man an nih tah a, a danghai khawm hnawtzui mek an

ACCELERATE
Bijng Family Lane Churachandpur
NERIST ENTRANCE- 2017
(Class X) Crash Course
Start 6th APR 9:30Am-12:30Pm Reg Fee-500
Course Fee: 1000/- (Special Offer) Duration: 3 Weeks
Contact: 8575571524/8119871471
2 Students cleared NERIST-2016: 1 in 2015
Last Lap - NEET 2017/Crash Course
Features:- classes daily 8:30am-10:30am -PCB
Mock Tests every SATURDAY Reg Fee-500
Course Fee: 1000/- (Special Offer) Duration: 4 Weeks
Regular Classes for JEE Mains 2018 from 1st May
Regular Classes for NEET/AIPMT 2018 from 15th May
XII Foundation Course for JEE/ NEET 2018 from 1st May
Prepare for XII Board & Engineering/Medical simultaneous

LAWMTHU HRILNA

Inhnawm harsa ka tiin ka tawl a na hlak a. A chang leh ka kawng a na a, kan hnawmna a inthawk thisen a suok hlak a. MV Azad Phusam ka pan a, a mi enkawl a inthawk ka hung dam ta a. Ami enkawl damtu chungah hin lawmthu ka hril. a pan nuom han Old Bazar, Teddim Road, Near ICI Church Road-ah pan thei le contact Nos. 8014025567/ 7628890261 haiah ngaiven thei a nih. Time- 8:30AM to 3:00PM
Sd/- Lian
New Lamka

St Petersburg Bomb Sukpuoktu Hriet Tah

MOSCOW: Thawtannia Russia khawpui pahniina St Petersburg metro station-a bomb sukpuoktu chu hriet suok a nih tah a. Kyrgyzstan mi Akbarzhon Jalilov, Osh khuoa 1995-a pieng, Russian citizenship nei niin Interfax news agency chun a hril a. GKNB security service thupesawngtu hril dan chun, kha bomb puok-kah kham ni 11 an thi a, 45 an hliem a. Bomb kha mi-hriem thichil bomb (suicide bomb) hmanga sukpuok niin a hril. Kyrgyzstan hi inhma chun Soviet Union sünga um, tuta Common Independent States (CIS) sünga um niin Muslim rambung mihrim maktaduo ruk neka tam umna, Russia le politically-a ruoltha niin Russian military airbase



chun Russia a tuorpu le a sunpuithu a thawn le. Isrel chun Russi tuorna a tuorpuin iengtiklai khawm hel donaa thang-pui an pei zing thu a hril a. US President Donald Trump khawmin Mr Putin kuomah telephone hman-gin a tuorpu thu a hril baw a. White House thusuok chun, US-in helpawl dona kawngah Russia a t hangpui nuom thu hrilin, "Thuoiu pahnihai chun helna hi inrang taka sukbo vat ding a nih" tiin an inrem niin a hril. China khawmin thusuok siemin bomb attack a dem a, Foreign Minister Wang Yi chun condolence pein, "China chun helna thil hrim hrim chu nasatakin a do lat a nih" tiin a hril ve. Israel Prime Minister Mr Benjamin Netanyahu

Kim Kadarshian-in A Photographer An Pâk

LOS ANGELES: Realty TV "Keeping Up With the Kardashians" star le sùngkuo ropui Kim Kadarshian chun, magazine cover le hmun dang danga saruoka thlalâk (nude) inpholang hai hi a nuom tak pa le a didan an nawa chu a photographer-in a hril them em hlak leiin a lo in-pose nâwk hlak nia hrlin a photographer Mert Alas chu an pak hle.



Fashion Los Angeles Award 2017 ah Kim chu hnuoi phita inful Gown var hlawk, a hma tieng malpui lai inphan, malpui inlang tlang thei, a awmbawr lai vaimin zeu puok ang, rose par anga inmawi mo form ang deu a hak a, a mawi dangdai hle. Kim hrlin dan chun June 2016 GQ magazine cover "nude" le 2007 Playboy magazine nude photo hai khawm kha a nuom naw saa Mert Tina leia a lak niin a hrlin. Nal tak tak hrlin hlâw vawng an nih.

Kim hin Sunset Tower Hotel, LA ah lawmman an sem laiin award pakhat Mert kawlah an hlan a, chu le inzawma Mert a chanchin hi a hrlin a nih. "Mert mi hne them dan chu thil thaw ta lo dinga ka tihai khawm iengtin tin amanih a mi hem a. Ka thuumhawnhai a hung siem tha vela, a camera hmaah ka lo inlang nâwk el hlak a nih" tiin a hrlin. Kim hin a nuom tak naw sa'n *W and paper Magazine* haih khawm "nude" a lo in-pose tah bawk.

A photographer pa an pak dan chun, "Mert chu, a mizie nel um tak a ni a, thaw ding ei hriet nawa ei um mei mei lai khawm, ice cream hung chwawia mi hung umpui mei mei thei a nih a. Pawl inhawitak mi hriem a nih. Ice cream inhih deua ei fak laklâw lai, photo shoot ding ei nih lein khawp talueng i tih, tiin a mi lâkpek nâwk hlak a. Sel thei an nawh" tiin

Jennifer Lopez, Bag Rs. 1.57 Lakh Man Leh

LOS ANGELES: Latin singer Jennifer Lopez (47) chun a bielpa thar baseball player Alex Rodriguez leh New York ah hmu kawp an nih nawk a. Silver color suit, phekhwak dum, necktie dum le sunglass dum leh an thuum a. Jennifer ruok chu Balmain design 'off-shoulder crop' zakuo sendang, dar inhawng ban par, skin-tight 'high-waist slacks' mar tawn le phekhwak 'nude stilettos' le aviator sunglass a bun ve a.



A zakuo-puonbil simple smart, inphan deuh Rs. 1.87 lakh (\$2,838) man bâkah hin Christian Louboutin bag Rs. 1.57 lakh (\$2,400) man ding a khai bawk a. Nupa dingin an inhme ve hmêl khawp el. Jennifer Lopez hi tulai hin Alex leh an inzu nasa em em a. Thla hmasaka inthawk khan Los Angeles, New York, Bahamas, Miami, Florida haih hun an hmang dun a nih.

Florida an um lai lem hin chu Alex a unanu Suzy leh hun an hmang a, Suzy chun Instagram ah #miscunis' tiin Jennifer chu

Spanish tawngna "siblings-in-law" tina "cunis" hmangh khumin sùngkuo ang deu thawa um an nih tah.

Alex-Rod khâwmin, "Hun inhawi tak kan hman-ga. Nuhmei ropuitaka a nih - mi ka hmu laia chu a la smart tak a, nu thatak a nih bawk" tiin Jennifer an pak a. Jennifer Lopez chu

Alex hi Cynthia Scurtis leh 2002-2008 chen an in-nei a, nau nuhmei pahni an nei a - Natasha (12) le Ella (8). A nuhmein ngaizâwng ruk nei an tum a, Madonna leh khawm inggaizâwngna hrlin a nih bawk. Jennifer hin pasal pathum a lo nei tah a. Ojana Noa 1997-98, Cris Judd 2001-2003 le March Anthony 2004-2014. Marc le chau nau an nei a, nuhmei le pasal inphir - Maximilian (9) le Emme (9) hai an nih.

Jennifer Lopez hi Marc Anthony le an inthe hnung khan a back-up dancer laia pakhat Casper Smart leh an inzu met a. Casper le an chanchin a tâwp nâwk hnungin a pasal Marc Anthony leh bawk an inzu nawka, sofa chungah 'intimate' taka hun an hmang lai khawm hmu a nia chu an innei nâwk ta chungaw nawh a.

Tuhin Alex leh an inzu nâwk tah a nih. Ieng chen am an dai ding hunin la hrlin a tih. Milarhai hin nuhmei-pasal innei le innak vel hi inlârna chi khata nei inhawih an ti nisien a hawih.

Ms Rebekah Vardy Le A Naute Thar



LONDON: Nu tamtak chun nau an nei zova an taksa inpholang an rin laiin England-a Leicester Football Club player Jamie Vardy nuhmei Rebekah Vardy (34) chun nau a nei zo hlima a figure leh an naute thar Finley (3 months) thlalâk chu mi tamtakin 'huge' tia an dem laiin Twitter ah a share a, nuhai chopurna dingin a hmang.

Becky Vardy chun a naute Finley a nei zo him laiin mi tamtakin Twitter ah an dema, "A thau thau leh social media-a dam a lan lang ngam a" ti chenin an comment a. Nuhmei thau le nau neizo him khawm ni hai sien, an taksa piengzie indiktak chu an inzapui ding an nawh, tiin nuhmei danghai inspire-na ding tiin a thaw niin a hrlin.

Calvin Klein underwear hâkin a naute thla thum mi chu a pawm a. "Nuhmei nau nei zo himhai chu nal naw anga inggaitir ding an nawh. Demna ka dawngai lein zaka kur inkuk el ding le intawm hmang daih ding niawmtaka ka nia chu kum tamtak tuornahain an mi suksek zo an tah. Nau nei zo chun hormone hai chu lungsenan hrât lai tak a nih, hieng huna khuokhir le him loma um tawk tawk chu thil theilo a nih" tiin a hrlin.

Kum 34-a upa Ms Vardy, post-natal depression a nei ve tah chun, "January thlaa nau nei zo chau ding

Europe-ah euro 50 note thar

BERLIN: European Central Bank chun security feature tha lem nei euro 50 note thar zani hmasaa inthawk khan an suo tan. Euro notes thar hi a hma mi nekin an phan lem a nih. Tuta hma khan

euro 5, 10 le 20 notes hai khawm a lo tlangzar tah. Hi zoah euro 100 le 200 notes la siem nawk a tum a, sienkhawm euro 500 note chu siem a tum naw niin ECB thusuok chun a hrlin.

MS Dhoni: Gulf Oil India CEO



Thawtanni khan Gulf Oil India hai chun nikhat hun sunga dingin Indian cricket captain hlui Mahendra Singh Dhoni chu an company chief executive officer (CEO) dingin chawno an pek. Thawtanni khan Dhoni hin Gulf Oil India company headquarter Andheri, Mumbai khawpui panin special meeting hai po-po-ah a zu up ve. Indian wicketkeeper le batsman hi CEO tak tak ninaw sien khawm CEO tak tak angin

thuneina tam tak neve dinga chawno pek a nih. Dhoni hi, automobile lubricant hai le him kum 2011 a inthawk khan in-laichinna thatak lo neitain ambassador hmun chen lo chelphaktu a nih. CEO ding le inzawma GOI company Indian cricket inkhel thie-min a sriket el hi thawktu tam tak chun mak an lo ti tawli hle.

Kum 35a upa, World Cup 2011 lapuitu hin, hung thung ding 10th edition Indian Premier League (IPL) a thang dingin an puochka meka, Chennai Super Kings-a lo inkhel hlak kha tuta tum ruok hin chu Rising Pune Supergiants (RPS)-ah inkhel thung a tih.

14th Hmar Martyrs' Trophy 2017 thlirlawkna

Hmar Martyr's Trophy a wavi 14-na chu wawisun tan a lo ni nawk ta ning a nih a, iengkim sukfel vawng a ni tah. Ni dang ang bawkin Saikawt khel-muolah inkhel nawk ning a tih. Opening Match-ah Group D-a mi Zawlbuk FC le Neihsiel Veng YC inkhel an tih. Churachandpur-a ding chun Open Tournament lien pawl tak le Running Trophy sawt tak a ni tah a, insingsatna khawm a nasa hle. Chun hi Tournament-a ding hin State dang dang mi player an fuonkhawm nasa thei hle a, ngaihlut khawm a hlaw hle bawk. Hmar hnam ta dinga thlunglu lo chan tahai hrietzingna dinga buotsai a ni bawk. Hi Tournament



hin Churachandpur sunga hnam tin a ko khawm hlak a, ieng hnam hnam khawm inlakhrama taluo um lovin lungruol taka inkhel hlak a nih. Kum danga result-hai enin Lamka SC le FAST, Rengkai hai hi a vangduoi pawl an ni ti thei a ni a.

YC khawma an Cup lak hum ngei tumin thang la ngei bawk an ta, beisei khawm um hlang an tih. Chuong lai zing chun kum danga tantu hau em em hlak Buonzawl FC an thang naw ding lein mi tam tak chu an lung huol ngei a tih. Anachu Club thar hlawk FC Ridil an thang thar ding lein mi tam tak ngaiven a hlaw hle bawk. Nikuma thang thar le beisei um tak FC Phailender hai khawm en khawp ni nawk ngei an ta, Lenlai Club le United Khawzim Brothers hai khawm insit um naw hle bawk an tih. Football ngainathu hai ta ding chun Tournament hmu nuom um tak chu ni ngei a tih.

BARCELONA 'B' TEAM HRAT DAN LA LIGA CHUN SUICHIENG A TUM

Spain-ah Segunda Division tieng Barcelona B team chun Eldense hai 12-0 tawpin Pathienni zan khan an hne a. Hi result le inzawm hin La Liga President Javier Tebas chun hieng ang lawm lawma inhna-ena hi suichieng a ni ding thu a hrlin. Hi inkhel zan hin first half chena khawm goal riet tawp Barca B team hin an thun hman a, Tebas chun hieng lawm lawm hi a taluo deu niin a ngai. Second Half-ah goal 4 dang an thunsa nawk hi mak a ti hle a nih.



'Match Fixing a um ring a ni bawk lein hi result hi belchieng thar ning a ta, chuong ang Match Fixing-a in-rawl an um chun an phutawk hremna pek ning an tih,' tiin Tebas chun a hrlin bawk. Eldense player Cheikh Saad

khawma, Hi result lei 'Player pali match fixinga inrawl an um chieng hle ti ka hriet,' tiin a hrlin. Hi result lei hin Eldense hai chu Segunda Division-a inthawk an tla fel hmak a, inkhel wawiruk la umbai hrat vawng hai sien khawm an ta dingin beiseina a um ta naw a nih. Saad-in a hrlin pei dana chun, 'Inkhel tan hma darkar chenve chena khawm a thang dinga um ka ni a, anachu inkhel tawm charin ka thang naw ding thu an mi hrlin a, match fix a um a nih ti thu ka hriet a, ka ruolhai khawm buoina lienthama an in-awk nawna dingin inkhel lo el dingin kan fui tawl nghe nghe,' tiin a hrlin bawk.

SPANISH PREMIER LEAGUE:

Celta Vigo chun Las Palmas 3-1 in an hne a, table-ah an kaisang pei

Thawtanni zan La Liga inkhel pakhat a um a, Celta Vigo chun Las Palmas lo mikhuolin 3-1 in an lo hne. Hi inkhela hin Giuseppe Rossi a langsar hle a, goal pathum tawp a thun. Ama hin Celta Vigo ta dingin minute 12, 24 le 57 haih goal a thun a, khingtieng Las Palmas ta dingin minute 80 naah Jese Rodriguez chun consolation goal pakhat a thun bawk.

Las Palmas tieng hi an vangduoi hrim hrim a. David Simon goal thun chu offside tiin pawm a ni naw a. Kha goal kha pawm ni sien inkhel result a danglam el dim ti thei a nih. Tuhin Celta Vigo hi table-a 10-na an ni mek a, Las Palmas ruok chu 12-na an ni ve thung. Vawisunni chen hin Celta Vigo le Las Palmas hai hi wavi 17 an inkhel ta a, Celta Vigo wavi 6 an



hrat ta a, Las Palmas wavi 7 an hrat ta bawk. A dang po wavi 4 chu an inhnetawk a nih.

John Cena le Nikki Bella Innei Ding

ORLANDO: Wrestling hlâwtling taka a bei hrep hnungin Hollywood film ah lutin a hlâwtling thâwk khat hle bawk a. Career tieng a hlâwtling ta hle hnungin nuhmei-pasal Inneina le sùngkuo indinna tieng iem a ang ding hriet a la ni nawh; John Cena chun kum 5 zet an thlawppui tah Nikki Bella chu nei a tum tah a nih.

Innei dinga fielna (propose) hi tuta tum WrestleMania 33 ah Team match an nei tumin, John le Nikki hin The Miz le a nuhmei Maryse an hneban a. Hratna an chang zo hin John chun dingthawonin, Nikki kut a ching a, "Mi nei nuom i ti?" (Will you marry me?) a tih a. Nikki chun lâwm taluo



"aw" tinain a "kiss" a. Mipui hmaah intienna neiin fans hai an khêk dur dur ringawt el a nih.

John le Nikki hi kum nga an inzu tah a, *Total Divas le Total Bellas* haih an chang kawp tah bawk a. Total Divas April 2015 episode ah khan, Nikki chun John-in nei a nuom tah a. Innei pawi a ti ta naw thu a hrlin leia a lâwmzie a ruolhai kuomah a hrlin tah a. "John-in mi nei a nuom thu a mi hrlin! Ka damsunga kawppui dinga ka dittak chu a nih! A thang lovin ka um thei nawh!" tiin a lo puong tah a nih.

Nikki hi January 2016 khan a ring at lein ni kuma huphur um hle sien khawm tha taka kan inkhel thei kha ka lawm hle a nih. Away games hi antak nawk zuola, amiruokchu hasratna um loin kan nerthlang thei kha a hlu hle a nih," tiin a hrlin.

Neymar: Barca ta di'n Goal 100 thun

MADRID: Barcelona hai chun an player suongvawr Lionel Messi umnaw sien khawm an khingpui Granada hai chu 4 - 1 a hnein table hma-thuoiu Real Madrid hai chu points 2 chawin an phak ta nawh. Hi inkhel-naa hin Neymar chun goal thunin Barca ta dingin goal 100 zet alo petlut ve tah. Neymar hin Barca ta dingin wavi 177 an kheltaa, chu taka inthawk chun goal 100 alo petlut an tah. Barca boss Luis Enrique chun, "International break zo hnunga game tha taka hang inkhel nawk hi thil awalai an nawh. Player hai hmun dang dang an inzin hnung le sawl-neng hnunga inkhel a ni a,

hal a, game nuhnung lema khawm 4-0in hma thuii nawk pein, buoina um bek bek loin game a paltlang thei a nih. Sindhu le Marin hai hi wavi 10 lo inmasu-onta-in tum nga hratna an chang ve ve a nih. Kum 23-a upa Marin hi world champion wavi hni lai alo ni tah a, European le Olympic gold medal kawl lai a ni bawk, ama neka naupang Sindhu khawm hi a record a se bik naw hle. Kum 21-a upa Sindhu hi nikum Rio Olympic-ah khin final lutin minute 83 zet ankhel hnungin Marin lakah vangduoi tuokin silver medal a dawnga, amiruokchu India-in Olympic badminton inelna-ah

PV Sindhu in Indian Open 2017 title lak

Pusarla Venkata Sindhu chun Rio Olympic gold medal match-a a hne naw Carolina Marin chu hnein Yonex Sunrise India Open 2017 champion alo ni tah. Title a lak le inzawm hin a peingna ram ngei-ah Badminton World Federation Super Series title a lak hmasatna a hung nita a nih.

Pathienni zana Siri Fort Complex-a inkhela khan khawmsung nungah Sindhu hin world number 2 Marin lakah hasratna a tuok bek naw a, minute 47 an inkhel hungin 21-19, 21-16 in hratna a chang a nih. Indian shuttler hin drop shot leh smash ropui tak takhai inlangtirin game hmasa le-mah 6-1 in hma a thuii ng-

hal a, game nuhnung lema khawm 4-0in hma thuii nawk pein, buoina um bek bek loin game a paltlang thei a nih. Sindhu le Marin hai hi wavi 10 lo inmasu-onta-in tum nga hratna an chang ve ve a nih. Kum 23-a upa Marin hi world champion wavi hni lai alo ni tah a, European le Olympic gold medal kawl lai a ni bawk, ama neka naupang Sindhu khawm hi a record a se bik naw hle. Kum 21-a upa Sindhu hi nikum Rio Olympic-ah khin final lutin minute 83 zet ankhel hnungin Marin lakah vangduoi tuokin silver medal a dawnga, amiruokchu India-in Olympic badminton inelna-ah



a phak sang tumtak ala ni tho tho. World Championship-a bronze medal pahni dawng tah Sindhu hi tu ng-hirmuna ding hin world number 5 hmun a hluo mek a, tulaia a hmasawng dan enin Saina Nehwal hnung zuin number 1 ni vat thei dinga beisei a nih.

Men's singles final tieng-ah Viktor Axelsen chun minute 36 chawin Tien Chen Chou chu 21-13, 21-10 in a hne a, Denmark tlangval ta ding hin India Open a wavi khat champion-na a nih. Men's doubles final-ah Indonesian pair Marcus Fernaldi Gideon le Kevin Sanjaya Sukamuljo ha'n an khingpui Ricky Karandasuwardi le Angga Pratama hai chu 21-11, 21-15 a hnein nomawi an dawm a, women's doubles-ah Japanese duo Shiho Tanaka le Koharu Yonemoto haiin nomawi dawmin, mixed doubles-ah Siwei Zheng le Qingchen Chen haiin nomawi an dawm bawk.